

武

備

志

武備志卷七十九

防風茅元儀輯

陣練制

練 十一

教旗 四

本朝戚繼光法 一

欲教旗法、先練耳目、作練耳目篇、

第一明旗鼓、各官兵耳、只聽金鼓之聲、目、只看旗幟、方色、自主將以下、不拘何項人員、口來分付、決

不許聽之、如鼓聲不絕、便前面是水、是火、也須跳入、如鳴金該止、就前面有金銀首級、馬匹、亦不許一步違越、其應查令旗、令箭、令票、放行者、便是主將自來、三件物內、必有一件方放、如無、亦不准放行、

第二明笛號、吹噴、謂之掌號、笛要聚各官旗頭目、發放軍務必、須吹得到齊方止、

第三明喇叭、大小將領門前、及教場內行營處、吹人是掌號、第一次是頭號、要人收拾行李、做

食用遲半箇時辰，又吹第二次喇叭，要人吃飯。
拾出門詢問，劄管信地取齊，吹第三次喇叭，是重
起身。主將自本衙門出到各兵劄管地方，另擬向
往。其在營中或在教場，或正行正操之處，乃各人
飯已吃過，俱已出門，只掌一號，便聽令行營，或演
操，不必仍用二號三號也。

凡喇叭吹長聲一聲，謂之天驚聲，是要各兵齊
吶喊。

凡喇叭吹擺隊伍聲，是要車步騎三兵就于脚。

下挨營擺隊伍也。

凡吹長聲喇叭放銃一箇磨旗是要轉身各兵俱看旗所指處俱向某處轉身轉車。

凡擺隊已完喇叭稍歇復又吹擺伍者是要車步騎三兵一字列開成陣備戰也。

第四明哱囉凡吹哱囉是要各兵起身再吹一次是要馬兵上馬車兵附車步兵執器械立起。

第五明銅鑼凡打銅鑼是要各馬兵下馬車正下車再打銅鑼是要三項兵俱坐地休息旗幟俱偃臥。

第六明羯鼓凡點鼓是行營點鼓一聲約行二十步點緊鼓一聲行一步則將搥鼓交鋒矣但聞搥鼓是交鋒要各兵向前與賊廝殺

第七明黃旗下營定放銃一箇豎黃旗搥鼓是放各兵出營汲水取柴飲馬

第八明摔鉞凡摔鉞鳴是要各兵收隊再鳴成大隊旗幟通回中軍

第九明砲號每要新起一號令必放砲一箇使人有耳者先共聞之然後方用旗幟號頭等項示行

其各人但聞銃響後其已前行過號令進止俱歇
專一看有何旗幟更變有何號頭之聲卽速遵照
庶不悞事

第十明鉦號凡軍中一切鼓樂有音號如笛唢囉
喇叭鑼鈸等類每欲止必鳴金一聲其舉作者聞
金卽止聽更令後卽如所更之令行之打金三聲
是要退兵打金二聲是鳴金鼓吹打

第十一明旗次各營隊總看本旗總所執旗旗總
看本百總所執旗百總看本把總號旗把總看本

千總號旗千總看本哨將號旗哨將看主將號旗
若主將五方旗招俱起立點動則五方之營俱照
旗而動如止于一旗立點則該應之旗俱點立別
旗照常若主將五方旗招俱偃則五方之營俱照
旗偃止若只一旗偃則該應旗俱偃別旗照常某
旗磨則該應旗俱磨別旗照常某旗向某方點指
該應旗俱向某方各兵隨旗而往

第十二明旗應凡主將旗舉時先哨將應之千總
不許先應哨將旗舉先千總應之把總不許先應

千總旗舉、先把總應之、百總不許先應、把總旗舉、先百總應之、旗總不許先應、百總旗舉、先旗總應之、隊總不許先應、旗總以下口傳身率、不用旗鼓號令、亦與旗鼓令同、差錯以軍法治之、

第十三明旗色、黃旗屬土、中軍所用、但見黃旗卽知爲中軍也、在一哨則爲一哨之中、在一營則爲一營之中、在一千則爲一千之中、在五人則爲五人之中、凡人面向者爲前、紅旗屬前、凡營壘所在、向前者則用紅旗、但見紅旗俱想向前、凡人就本

卽孫子
教婦人
遺言難
易者天
之道也

身之左手爲左、藍旗屬左、凡向左者、則用藍旗、但見藍旗、俱想向左、凡人就本身之右手爲右、白旗屬右、凡向右者、則用白旗、但見白旗、俱想向右、凡人就本身之背爲後、黑旗屬後、凡向後者、則用黑旗、但見黑旗、俱想轉身向後、是故曠野人衆、若說東西、南北、認辨不真、凡人皆有左右手、面前背後、故卽以其易知者教之、人人只以大營中軍分左右前後、又以本身前後左右爲向、再不必論東西南北也。

第十四明望旗凡常操及發兵于主將未到塲之時先將望竿繩綵等項收找停當候主將陞帳稟陞旗卽放砲擂鼓陞旗旗正著甲執白旗一面上斗聽中軍號令凡掌唵囉兵立則旗立凡打鑼兵坐則旗收旗向前點官軍俱向前行向左點俱向左行向右點俱向右行向後點俱向後行車步騎大小將官旗總車正俱視此旗向往如遠行俟掌頭號畢稟放砲擂鼓將望竿眠行遇報有警擂鼓再立望竿賊從左來則旗向左磨賊從右來則旗

向○右○磨○賊○從○前○來○則○旗○向○前○磨○賊○從○後○來○則○旗○
後○磨○賊○從○兩○面○來○先○磨○賊○近○一○面○三○磨○三○立○又○向○
一○面○磨○賊○從○四○面○來○將○旗○繞○竿○頭○轉○遞○賊○遠○則○旗○
頭○向○上○磨○之○賊○來○近○則○旗○頭○平○低○磨○之○賊○近○百○步○
來○則○旗○低○垂○向○下○磨○之○賊○退○則○立○某○方○賊○退○立○在○
某○方○亦○如○報○賊○來○事○例○事○定○將○旗○捲○訖○若○緊○急○追○
賊○無○望○竿○車○此○條○不○用○

第十五定發放凡操期前一日懸操牌各營傳知
次日五更不拘時但聽主將門前掌號各將官門

前皆掌號各兵做飯將官亦做飯以飯熟食畢爲期乃掌二號各兵備馬收拾軍裝往教場列成行伍掌三號主將出至教場中軍官稟放陞帳砲喊堂開轅門稟陞旗望旗同陞在野只陞望旗幕屬等官先行參見回還中軍官稟掌號笛聚官旗聽發放望旗向左右前後磨轉一次官旗用手旗于場前轉

一次先騎兵次車兵次步兵各頭目自隊長以上皆赴事急司旗總以上隊長守伍至臺下立定笛止中軍傳云官旗過來各齊

應一聲以卑而尊先隊長次旗總次車正次百總把總千總俱跪次哨將于臺上跪先起乃發放衆曰官旗聽着耳聽金鼓目視旌旗手熟擊刺步閑進止馬習馳逐謹戢策轡車熟分合嚴飭火器萬人一心有進無退畿輔重寄軍法有常每一項人員班內一人先尊行後卑行高聲報曰某官叩頭命起至百總止又發放曰車正聽着凡車戰進止號令俱車正之責臨時差誤責有所歸車正起去又曰舵工聽着凡左右前後縱橫曲直俱看車旗

聽命車正擺營不合高下失悞責有所歸次巡視
藍旗過列聽發放曰凡入操喧譁不肅下營行伍
不齊行營攙前越後臨陣舉動違令斬賊強奪首
級戰畢妄殺降人種種作奸犯科俱聽爾拏來處
治臨陣摘牌當戰破耳回兵查明分別輕重以行
軍法若故縱需索治爾之罪發放畢分付各官旗
下地方大吹打得勝鼓樂聽各回營各哨將一體
掌號笛一照臺上發放即使金鼓班聲相聞無妨
也哨將發放畢千總用旗招把總以下發放亦照

臺上但云奉臺上號令畢把總招百總以下發放
只傳臺上分付親口之言不用耳聽金鼓等文亦
云奉臺上號令畢百總招隊旗總發放先發放所
聞把總之言次發放已意畢旗總集隊總各隊兵
士發放亦云奉臺上號令將節奉各上官話頭一
一講說分明畢隊總亦令各兵跪聽分付云奉臺
上號令發放畢但凡謂發放係奉臺上號令凡卑
一等者必跪聽敢有違者卽時巡視旗拏送臺上
細打遊營

第十六稽傳令凡發放過話候大小將領都發放畢主將抽隊下一軍向前問今日所發放何事若能知其大略則已如全不知則取隊總問之隊總能言之則治軍以不聽受之罪隊總不能言則取本旗總問之旗總能言之則治隊總以罪軍則免究是隊總傳不明也如旗總不能言則取本百總問之百總能言則治旗總以罪百總不能言則取本管把總問之上至哨將一體皆然每次發放過聽哨將於各千總下取一軍千總於各把總下取

一軍把總於各百總下取一軍百總於各旗總取一軍問之不明者千把總聽哨將發落百總以下所抽問者紀過一次卽仍於上一等頭目再照發放之法挨次說諭一遍通畢赴臺報云今日奉到號令審問各已知悉

以上號令旗鼓但一行出決要依從將在軍君命有所不受將無還令將無二令正謂此也如違悞承接號令而不悞事止於細打若因而悞者軍法從事

武備志卷八十

防風茅元儀輯

陣練制

練十二

教旗五

本朝戚繼光法

耳目既練，可以應節教之場操，作場操篇。

第一操馬兵，以一哨爲例。一哨者，三千也。凡掌號一遍，官軍收拾聽掌，唳囉一通，各起身，又吹唳囉。

各披執上馬點鼓本哨看中軍旗向何方點亦向
本方點本哨下兵馬依哨旗所向先作遇狹處狀
發架梁馬左部當先爲前路中軍中部爲中路右
部爲後路每旗三隊六馬平行作一路圍遶教場
行過一遍中軍豎旗三桿放砲一箇大衆聞砲響
卽舉首看旗三面豎起卽爲三路行左部立定候
中部趨至中路右部趨至右路中路與左右二路
相去空各三十步如兩哨合營操則左哨先變三
路在前右哨變三路在後三哨合操中哨在中四

哨合操則爲四截五營合操則左前二哨並行各
中軍在中中哨獨行自分三哨右後二哨並行中
軍在中每添一營哨加放砲一箇起火一枝領隊
大旗一面聽金鳴鼓止兵立鑼鳴坐息少間放砲
一箇吹唢囉起身又吹上馬點鼓前行至教場中
塘馬執小黃旗旋馬中軍放砲一箇吹擺隊伍喇
叭如一哨下營則左右二部卽爲外圍中部左右
二總前後各收進中間分開卽爲子營標下人員
聽差遣架哨之用三哨下營則以一哨爲子營二

哨連中軍俱爲外營、四哨下營、則以各左右部爲外層、各中軍俱爲子層、五哨下營、外四哨照四哨例爲外子二層、中哨爲第三層、爲一萬五千之營、謂之一小城也、打鑼俱下馬、外營兵將馬聯絡如式、一面將虎蹲等砲安置各旗行空之前、聽點鼓、執火器者步行向馬前約十步、金鳴鼓止、預將砲手每一伍三人爲一班、第二伍爲二班、第三伍爲三班、約賊至五十步、中軍放砲一聲、喇叭吹天鷲聲、盡一伍砲同放、以後中軍不接砲、又喇叭吹天

驚聲盡二伍砲同放又喇叭吹天驚聲盡三伍同放每聞喇叭吹天驚一聲便輪放砲一次放者疾裝裝者又放但銃少間或候裝不及或賊之大隊已近急放起火一枝但見起火各火箭虎蹲砲一體輪放銃手仍聽天驚聲輪放不止如阻賊不回俟到營邊一面點鼓射手將槍棒鈚放在地下以腳踏定射箭如雨鼓止復又點鼓外層步兵收弓箭入袋取起噐仗低頭向前搗鼓吹天驚聲吶喊交鋒不過數十步賊勢敗走鳴金止又搗鼓吶

將標旗急出中部馬兵出戰且射且行俟出步兵
之前持夾刀棍之兵只戳其人面馬腹大棒只打
其馬頭只是不圖他活馬打他馬倒不慮賊不殺
死也各兵只管打砍向上并不許割取首 只要
打他一箇敗走鼓止聽率鼓響各認各哨隊爲一
聚乙德率

烏金大吹打挨次先

步軍隨各隊直退回次馬軍由中角三門回
各到信地吹打止鑼鳴下馬再鳴坐地休息少間
又報賊如前又衝一門四門不許齊衝其上司看

不覺不
哉可哉
矣

操不必單門輪衝只齊衝四門此套亦所不可戶
者依令操畢聽放砲一聲擂鼓中軍立黃黑旗開
營門一面先差旗牌官四員每門一員數放軍馬
差去訖卽發火兵焦汲中部飲馬放完各官赴中
軍回報放出數目以筆記之約飲馬將完掌號一
通黃黑旗共磨各馬軍并焦汲兵收回什黃旗又
擂鼓再磨黑旗左一部馬兵出營飲水數出數入
如之又磨黑旗掌號收回又照前號令發右部俱
飲馬完什旗大吹打閉營門務要真正安鍋炊火

係應午時真正煮飯一面掌號笛聽發放其已前
戰陣合格違令者通于此時賞勸發落若又欲更
變何項號令俱曉諭明白散歸稟傳鑼解甲鑼鳴
俱解甲傳餐畢又差中軍官赴將臺稟稱收營回
地方請鈞旨訖放砲三箇先掌號各軍執把吹噓
囉起身又吹噓囉上馬放大砲三箇吶喊三聲立
中黃右白左藍大旗三面向前點人馬調哨爲三
路金鳴旗伏再砲一箇中軍立起旗招聽大吹打
回營金鳴吹打止打鑼一次下馬再打鑼一次坐

此方
是教者
非虛

休息大而十營五營小而一局一宗以至一伍
三人平時則在教場急時則在對壘學戰實戰皆
照此以爲攻擊進止一字不易

第二謹驚馬遇放砲等項若各官軍馬匹不行拴
拏有亂營跑走者治本軍並看馬人役之罪

第三操車兵平日先將推車生兵車正舵工將車
推運上下山坂行使熟利一面立伏郎機教師每
車取一架使佛郎機手習放務熟一面立鳥銃教
師習學鳥銃務熟一面做無鏃小火箭立教師使

火箭手習熟，然後將各兵派入車先，自一車起，逐車各自操聽，掌長聲，吽囉一遍，裝車務要齊肅，快便擺列齊整，再吹吽囉，車正上車，各兵俱依車聽放砲一箇，點鼓望旗向何方，點車正將旗亦向彼處，點之照練耳目，內旗鼓例行，俟每車轉正，則旗直立向車之前，點鼓一聲，走十步行至前面，金鳴鼓止，放砲一箇，吹轉身喇叭，望旗向賊，點車旗亦點，車轉向賊，金鳴鼓止，立定看塘報，旋馬望旗向賊，高舉點鼓，務要從容，向賊直行至半路，望旗向

賊磨下垂車上旗急點放砲一箇吹天驚聲一次
隨車銃手每車四人作二班每班二門齊打一次
又吹天驚聲又放一次看放起火一枝又吹天驚
聲一次放火箭一次佛郎機一齊舉小銃少停又
吹天驚聲一次仍前放銃與機箭俱輪迴週而復
始若賊係零騎不多而來俱不掌號只聽口傳只
是鳥銃看准打之不必放機砲火箭亦不發兵馬
惟聽主將令遣兵出追或否若有大隊齊來方照
前例吹天驚聲擂鼓兵由車門出戰車急推向前

兵離車外不過五步車卽追上車外之兵不許挺身高立恐撞在車鎗之上金鳴鼓止車至背後聽金鳴三聲兵俱跪伏聽車推上遮之車放平此爲縱橫車用法也又照前吹天鵲聲一次放砲機火箭出殺如前賊敗金鳴打得勝鼓車由原路推回若倒行往下再行往上一以旗鼓爲號開車門時每車一對開一門

第四聯車隊凡戰照圖其後一名緊在車頭之下不許遠離前一名務要押駐隊頭不可離車五步

之外一面廝殺一面顧隊伍不可亂也不拘馬步
鏡手但在車內其由車門出戰者例同

第五分車責車兵哨將只在車內固守車城管放
火器不領兵出戰千總有殺手則領兵出戰車城
之事不相干預把總百總既管車城又領兵出戰
車正只管車號進止并管火器隊長專管戰兵車
事不預而聽車正調度

第六合車騎每陰廂陽廂車各一乘爲一耦設有
三等之器或鹿角或綿傘或輕車內用一件補其

空車正二人，一左一右，務要相依，任是如何轉動，車廂俱要在外，除四門車不配騎兵外，每車一對，配盛甲騎兵一旗，內殺手一隊，火器手二隊，共三十一人，其騎兵旗總與二車正三人，務要彼此認識，相守而不相離，初起時，車列教場兩邊，各爲一部，二千總管之一，叅游主之馬兵左右，二千總者，照車配明，各列于車內，中部千總馬兵列于兩路車之中，備出奇設伏，哨高追奔，隨便遣用，聽掌號一遍，少間中軍官稟稱聲息尚遠，前路稍濶，做兩

路發兵行營請鈞旨放銃一箇吹吽囉一聲各兵起身又吹吽囉一聲馬兵上馬車兵附車中軍旗鼓列出放砲一箇點鼓中軍旗鼓由中道趨前兩邊車亦至前面馬兵隨車到轉身處聽放砲一箇吹轉身喇叭一次望旗轉向上車馬俱轉身向上點鼓以一乘正行一乘倒行兩車尾相合兩廂向外其補空之具在大車裏層相近傍行馬兵每旗各照車行于內中軍旗鼓一半當頭領中部馬兵一半與望竿將臺糧座等車行于中部馬兵之後

再後爲中軍主將從者其車騎將官家丁各照將官所在處列之騎將當頭車將從人在中將無定位俟車近將臺下約留車騎轉身之地聽放砲一箇如向左行則行者之右路車頭少止聽吹轉身喇叭望旗先向左指左路車轉身中部兵亦轉身行至兩路頭平點鼓同行至教場左盡頭照前留轉車之地又聽放砲一箇立定聽轉身喇叭看望旗先向前指行者之左路轉身行至兩路頭平又聽點鼓前行至前面又聽放砲一箇仍留轉身之

地吹轉身喇叭望旗先向右指行者之左路轉身
向教場之右行俟中部旗鼓當教場中路訖聽放
砲一箇吹轉身喇叭望旗先向上指三路平行至
教場中半探馬報警營內差中軍官馳馬到臺下
稟大舉虜賊只在十里之內徑衝我軍而來地勢
平廣下方營對敵請鈞旨中軍放砲一箇吹擺隊
伍喇叭望旗直立車推向中以中爲門左部前司
前局二車右部前司前局二車相合仍俟各司第
二輛車各合本廂此時原兩車一對者須更轉合

務須每百總四車爲二對，如頭車不轉，則兩部頭車皆差錯矣。擺營之際，務須一車定，又合一車，且速且整。如諸車一時合來，必致稀密不均。凡不均者，須儘上手之車一角合起，不論已合未合者，皆輾動一遍。一車移，則一面之車皆移，合營畢，填空物塞完。馬兵各旗照車列于車內，去車六步所留空地，卽如城下馬路一樣。中部兵在中，一司居前，二司居後，東西相接，是爲子營。子營內後車騎二將，雜流家丁居之。各營糧車座車分四面列于馬

兵中部之內爲將垣、望竿居將臺之左、將臺居中、
鳴金喇叭止鳴鑼、各馬兵下車、又鳴鑼、
坐地休息、每一旗內銳兵二隊、各第三伍擇一名、
幫三隊人、兵拏馬、每人拏五六匹、每旗隊總三名、
共管虎蹲將軍一位、騎將撥每門百總一員、甲兵
一隊、守門車將亦撥百總一員、守門一面、各人收
拾軍火器、又俟四門探馬一齊報賊已近三百步、
望旗四面繞轉、向上而舉、聽吹唢囉、馬戰者列陣
於車內、車兵附車、再吹唢囉、中部馬兵上馬、車正

上車哨將抵車城之下，賊至一百步，望旗平磨四繞不止，放銃一箇，喇叭吹天鷲一聲，車兵鳥銃放一次，俟放二次，又吹天鷲一聲，馬兵各第一伍，銃手放一次，俟三伍三次放完，又放起火一枝，火箭齊放無數，又吹天鷲一聲，佛郎機齊放一次，又吹天鷲一聲，仍輪鳥銃放，仍又輪機箭如此更番不歇，若一日賊不退，只以一日不歇，鳥銃速裝，專聽吹喇叭，便放一，助水銃之速也。打賊不退，已近車城三十丈。

蹲將軍在城間

一旗放一位，分爲二次，打放塘馬，又扮作進攻之狀，逼近十步內，望旗向下垂繞，金鳴銳止，搥鼓隨車馬兵由車門車下出戰，任是如何廝殺，不可去車三十步之外，噴筒手、火箭手此時俱出車驚燒其馬，俟賊敗退，放砲一箇，高招點中部馬兵至門，門車開二乘，兩角車各開二乘，出馬兵追賊，馬兵出至營外，鳴金一聲，鼓止，稍聽列齊，又搥鼓追上，約至五十步，又鳴金三聲，鼓止，馬兵又列齊一遍，又聽搥鼓追上，如此三次，約賊敗遠，不可窮追，乃

武備志卷八

陣練制 練教旗五

十一

聽捧鉞響各馬兵每一旗三隊每一隊爲三層立
定金鳴捧鉞止又聽捧鉞收成一旗爲一聚以上
馬兵不過習之使熟其實臨時輕易出不得賊衆
臨車豈可放馬兵追逐無是法也顧在相機用之
未可執方用藥鳴金二聲車下殺手先由各車門
收入回營馬兵聽大吹打仍由原門回營內信地
鳴金吹打止鳴鑼下馬車兵下車又鳴鑼坐地休
息又差中軍官赴將臺稟賊勢雖却併衆劄成大
營地勢平濶我軍擡追索戰請鈞旨只以紅旗所

向之方、大紅旗在于車前舉點、聽放砲一箇點、鼓
前面只用十乘車一字平行、不可先後、但有、在後
者、合車之人擁、應推追、相平前進、其餘盡分左右
二面、各以偏廂向外、每陰陽一對、以一乘頭向前
順行、一乘頭向後倒行、中空之裏、綿傘鹿角輕車
之類、專防有空相湊不及、補填嚴謹、相接前進、馬
兵居中、如初行例、俟俱行盡、後面車用十餘乘、爲
尾、平列倒行、卽是擡着一箇長城行也、隨地濶狹、
曲直而行、但勿斷絕、有空不必拘定灣環、俟前面

塘馬報賊將塘馬收進車內、便照四面戰例、只聽本面車牆正門邊旗鼓號頭、本面又看中軍所豎旗是何方色、本方便依令攻打、但旗色所應處、凡金鼓之令、一一俱是本面自用、別面不許混應、畢又於一面照令作戰、金鳴鼓止、鳴鑼、車正下車、馬兵下馬、再鳴鑼坐地休息、又差中軍官赴將臺稟稱虜計奸猾、伏賊從後起、擡營向西追戰、請鈞旨放砲一箇、吹唢囉一次、各起身、再吹唢囉一次、各上馬上車放砲一箇、吹轉身喇叭、紅旗向後面車

點動則以後面變爲前面平行左右兩面車兵轉身不轉車魚貫而進原向前車改作後面倒行以下打放作戰俱照例行少熟卽不必面面攻戰以省火器止是習熟四面進止也金鳴鼓止鳴鑼下馬下車再鳴鑼坐息又差中軍官赴將臺稟稱虜計奸猾伏賊從右起擡營向南追戰請鈞旨少間放砲一箇吹吽囉起身又吹吽囉上車上馬又放砲一箇紅旗向左面車邊搖動卽以左面門車平行爲頭點鼓前行原前面車變爲左牆後面車變

爲右牆各偏廂向外每車一對一車向前順行一車向後倒行俱一齊魚貫前進原列右面門車變爲後面尾仍只用車十輛餘爲左右路金鳴鼓止鑼鳴坐息要作戰只發塘便照前舉行又差中軍官赴將臺稟稱虜計奸猾伏賊從左起擡營向北追戰請鈞旨放砲一箇吹轉身喇叭點鼓紅旗向後面車邊搖動卽以後爲前左爲右右爲左前爲後照例擡行要作戰照前金鳴鼓止再聽放砲一箇吹擺隊喇叭仍擺成四面方營打鑼坐息又差

中軍官赴將臺稟稱下營已定四面無警發鼓樵
汲以下俱照操馬軍號令營規茲不重開聽放砲
吹天鷲聲吶喊三次大吹打兩總各第一車平行
由中路回至兩邊信地剗定金鳴吹打止鑼響下
車再鳴還隊操畢凡一營操一哨操兩營操兩哨
操以至五營十營五哨十哨又凡一城分而爲兩
城兩城分而爲四城號令俱同但聽放銃幾箇立
旗幾面卽如之如出白藍二旗放砲二箇變爲二
城每一城把總四員每總一面先左部左司向右

武備志卷八十

國朝律例 卷八十五

十四

手推出二十四小步之地止前司從右角起移就左司右尾合角向前一字平列右司自門起退向左而來接左前之角起推與左司對後司徑退來前合左右二角爲一城其左部左司亦先向左推出二十四小步之地止前司從後角移就左司前角合角向前一字平列右司自門起退至右面與前司右角合角擺與左司對後司徑退來前合左右二角爲一城一時開合齊變不可先後馬兵配有車分者隨車移之中部馬兵于方營收營之時

聽捧鉦響收中軍爲一路俟兩城擺定放砲一箇點鼓各聽高招點領入城每城以中部一司入之車騎將官家丁每員下各入一城

第七正車誤夫四面操車將來誤人殆甚蓋操熟中軍一令四面齊舉倘賊止一面而來或一面已近應該舉放銳矢步數一面尚遠或有車營相對或自營因地環曲每每一齊打放俱傷我軍平時如此臨敵可知今以四面每面各只聽本面號令本面千把總看中軍所立旗是何方色相同本面

卽應作戰如前無本方旗者不許應

第八辨差猾凡場操之日叅遊以上各置紅油小圓木牌十面自收遇攔後馬與立表之後若大小將領差人出入須稟各哨將給牌驗放如無牌卽係私出與後期者都拿送處治在行營對壘之時出須憑令箭旗號

第九正等威凡散操各哨自中軍以上一體擺列隨從人役旗鼓頭踏威儀各隨本營騎乘至中路散出不許候送主將

第十練行伍凡騎兵雖不離所配之車但又常將馬路分明毋雜車上諸手以便緩急射打其應下馬步戰者又要依令出速無滯爲妙

第十一稱地形凡遇地勢狹窄各隨地制宜如地可容若干車卽以若干車爲一城大大小小多多寡寡並不相拘

第十二置衝車每營別有戰車三十輛平分於前後止則列於車城之中爲子營

武備志卷八十一

防風茅元儀輯

陣練制

練十四

教旗六

本朝戚繼光法三

倭與虜異，故南兵與北兵異，作南兵場操篇。

入場稟舉升帳砲至稟掌號下營訖，中軍稟請台旨，掌一號時先鳴金邊發塘報保賊，其人不拘多。

寡或二人爲一塘或三四五人爲一塘或二三十塘以至百塘遠近隨時酌擬每塘相去五六十步或百步或半里臨時稟定以相見爲准在教場用十塘中軍稟請台旨下營舉號砲一聲掌哮囉一通各信地官兵立各營看將臺上旗立是何色便是何營聽候向何方點亦向本方點依營旗所向南方路狹田多只用鴛鴦隊先前司次左司次中軍次右司次後司前營自臺前從東向西直行左列各營挨接而行到右列之後向南而下右列各

管挨左列尾盡相接而行若南下與右列相近口
挨隊于脚下轉身不可魚貫而上第一忌也若兩
行相遠不相混則聽其魚貫隨教場大小兵之多
寡以一週爲止兵多場小或二路行營或出場外
行營俟兵行開前管頭到于教場前當中舉號砲
一聲鳴鑼官兵俱坐息俟一刻塘報舉旗知有賊
至舉號砲一聲吹唎囉各立吹轉身喇叭點鼓吹
擺隊伍喇叭一字擺列任有官兵若干司預先擬
定或一司分二層或一司一層或兩司分二層每

層相去二十步，每旗三隊，且平列爲一聚。每旗平
去，除人身留空三丈，中軍旗鼓等居中，前抵前層
之後，後坐後層之前，再吹單擺開喇叭，照鴛鴦隊
相去各一丈，鳥銃手俱出兵前五步，單列金鳴喇
叭，止打鑼，坐息。賊在百步之內，聽舉號砲一聲，吹
唢囉一通，起立。或將銃一次盡舉，或每隊二人一
層分五次舉。臨機決示，聽天鷲聲爲准，或只攻一
層。天鷲聲只一次是也。凡發銃時，必天鷲聲盡，務
照比較打把子之勢，着准打賊。凡望煙圈向上，卽

是向天放者，若低手向下，地下擊起塵土者，是俱
拿出重治。臨陣斬首，隊長連坐，隊隊有之。旗總連
坐，旗旗有之。哨官連坐，至把而止。可問你放銃的
人有何巧計，將煙圈同爾作弊乎？舉起火一枝，前
層鈚手到鳥銃手處平列放火箭，射手射矢，火箭
有鏃，不可場射，預造起火代用，且省費也。每鈚手
燃射一枝，弓手發九矢，舉號砲一聲，點鼓鈚弓手
俱回原隊，後層間隊而出，待出立隊之前，搥鼓吹
天鷲聲，吶喊整隊飛趨，作戰一次，又點鼓緊行，搥

鼓吹天鷲聲，吶喊作戰止。又點鼓，緊行。又搥鼓，吹天鷲聲，吶喊作戰。各兵將鴛鴦隊一擁向前，擠擠密密鑿戰。賊敗，金鳴鼓止。摔鈸鳴一次，各整隊伍。又鳴一次，各分原隊。鳴金三聲，器械向前，身首向後。退回約二三十步。鳴金二聲，是賊追來。各兵卽轉身作虎聲一次，立定。又用前法退回約二三十步。又鳴金二聲，各兵卽轉身作虎聲一次，立定。賊又作趕來之狀。聽舉號砲一聲，搥鼓吹天鷲聲，吶喊交鋒。將鴛鴦隊一擁向前，擠密。共吹天鷲聲，喇。

吹三次共吶喊三次共擂鼓三次交鋒三次賊敗
又照前退兵號令三退至鳥銃之前鳴金二下止
立又作賊追來之狀鳥銃手急出退回一層之前
舉號砲一聲吹天鷲聲喇叭齊放一次舉起火一
枝退回一層內鈚手射手先出與銃手齊放火箭
射矢照先操令鳴金止又舉號砲一聲點鼓原一
層未出兵出戰與先出第二層兵號令同收退亦
照前令回至鳥銃之前鳴金二聲虎聲立定又做
賊追來之狀兩層俱照前號令一擁追賊擂鼓吹

天驚聲不絕，吶喊不斷，只是一次交鋒鏖戰，賊敗，金鳴止，摔鉞鳴，各兵照前清隊退，法間花疊退，號令如前三退，各到信地，舉號砲一聲，鳴鑼坐地休息，中軍稟稱賊已敗遁，請台旨下方營查功罪，舉號砲一聲，鳴金邊，發立表旗，點鼓吹，擺隊伍，喇叭，各兵照旗色地方，搶成方，營就于卽時安拒馬，下疾，藜不拘幾營，合預約數目，分爲外層子層，畢聽舉號砲一聲，再鳴金邊，派先定過伏路，遠哨塘報兵夫俱赴中軍，領字號，令箭出門伏路，中軍差官

數出回報，又舉號砲一聲，鳴鑼坐地休息。又舉號砲一聲，中軍豎黃旗，搥鼓發兵，樵汲有馬者卽出飲馬。本營先差官目人等，分向四門，數兵回報，放出若干，鳴金，仆旗，舉號砲一聲，中軍掌號笛聽發。放各官旗到，中軍齊笛止，不必又用臺上大發放。擬定舊文，就將戰陣行過得失，是否應改，應正，應遵，應習，事情，此後應作何舉動，軍令逐一發放。凡以前戰陣合格，違令者，通於此時對衆發落。若又欲更變何項號令，俱曉諭明白，各把總類報本日。

未到差病姓名謂之曰遞舉子鳴金大吹打散到信地聽舉號砲一聲立黃旗仍掌號一遍吹唢囉一通合營兵俱起立執器如待敵狀大吹打開營門收樵汲兵仍差四人赴各門數兵入回中軍報數畢鳴金二下吹打止舉號砲三聲大吹打開門舉號砲一聲鳴鑼坐息放起火一枝營中舉火傳鑼解甲畢間或照出征真正炊飯蓐食之或只做炊形以習之畢塘報摩旗伏路兵舉砲一聲某面賊來中軍豎某色旗應之吹唢囉某面兵立起整

隊舉號砲一聲聽點鼓外圍兵緩行賊至百步以
至收兵退兵俱照一層列陳戰陳號令行此只是
一層出用一層陣列戰賊敗收兵回原擺營塙鳴
金止中軍照遞過舉子查數官兵等收兵時摔鈹
鳴後中軍大吹打以應之如此又操一面四面操
完中軍稟營操畢請台旨收營中軍舉號砲一聲
吹唢囉一通各起身摔鈹鳴收隊每旗爲一聚中
軍原發旗招俱回將方營照前變爲二疊立定放
開營砲三個吹天鷲聲喇叭吶喊三次中軍大吹

打前司在前之左路左司在左接前司之後右司
在前之右路後司接右司之後由中道左右邊平
行各回信地劄定中軍到臺下鳴金三聲吹打止
鳴鑼下馬中軍散擺兩邊再鳴鑼坐地休息聽比
較

以十二
項乃大
軍領

管壘大槩以二分爲外壘一分爲子壁虛其中爲
中軍如一司五哨以鳥銃一哨爲子層四哨爲外
壘每面一哨如二司以六哨爲外壘以四哨爲子
壁如三司以二司爲外壘以一司爲子壁如四司

其法在
營中

鴛鴦陣
以便水
田此成
少保獨
創也

各爲一面、各撥二司爲子壁、如五司、以四司爲
壘、一司爲子壁、各烏銳一哨亦爲子壁、六司以四
司爲外壘、以二司爲子壁、由此而擴充之、愈多愈
善、惟鴛鴦陣必不可變耳、

圓機我兵所以屢敗者、素未練成節制之法、又無
營壁可恃、人膽先怯、卒皆野戰、即使勝之、不足以
當賊、更番終于敗潰、不勝亦無所奔依、每一北、卽
長往不止、所謂無制之兵、有能之將、不可勝是也、
如不得速戰、或已立營壘、遇賊衝我、或五六十數

此用砲
秘論

人我兵俱伏旗息鼓暗執器械肅靜不動待彼衝
到十數步內亦不動賊必退去漸益前來如加至
百十以上砲手聽對敵號令或于木城或于濠岸
或于拒馬下更番射賊空者復裝飽者續放放者
方裝裝者又發如此而雖終日砲放不乏必無放
盡而無飽之失弓弩火箭手聽起火一枝照鏡輪
射此節制正戰也戰間翼擊以分其力遊伏以疑
其專出奇以乘其衆更番妙處俱在臨時製變將
所自出

謹驚馬遇放砲等項若各官軍馬匹不行拴拏有亂營跑走者治本軍并看馬人役之罪

治後期凡各兵進教場過放靜砲後到者俱開不到究治各門封鎖後閑人出入及縱遲兵闖營皆巡視旗之罪

稽差避凡場操之日將領以上各置紅油小圓木牌十面自收若欲差人出場必稟將領給牌驗放如無牌卽係私出拏送處治在行營對壘之時出入須憑令箭旗號

正等威凡散操各哨自中軍以上一體擺列隨從人役旗鼓頭踏威儀各隨本營騎乘至中路散出不許候送主將

謹營壁凡行營與立定營盤不係有門之處便是何人何官到彼要行闖過者定行阻住決不許放過放過者俱以軍法從事本隊兵士若要出入亦要由門賊在三十里內犯者斬首該管頭目連坐細打

嚴管門每日夜該營內各輪一哨官把門主將親

隨執藍旗每門二名除朝暮吹打開門後遇閉門時必有令旗令箭方開凡開門左右相近各一旗官軍披執嚴陣以待遇有公差到來止于門外先將書移可信之物收取報到號旗下中軍官稟白主將請令旗領入其閉門時若無令旗令箭便是使臣大將自在門外亦須報到守營主將得有令旗或令箭到門驗明開門方纔放入如主將出營外必以一人代主將司令將在軍君命有所不受正此時耳昔周亞夫細柳營可爲師鑒也公差馬

匹俱在營門外、單身進入把門人與伊看馬、馬有疎失、把門人賠償、大將入營亦只乘馬從官以下俱步、

慎啓放各營放出放入、各由本營門內、其纓頭衣服腰牌件件可辨、若別營之軍誤出營門者、故縱把門官軍俱軍法連坐、如能拿來犯者、軍法施行、官軍紀功一次、

凡出營、凡官兵無故非時違令出營者、細打一百、遊營示衆、


查軍器凡下營訖軍火器械各頭目卽逐隊檢校如破綻損壞卽候戰完開報修葺磨礪如有棄失卽報主將記簿准法科決

革抽差行營排陣間將領敢于行伍中抽一人一騎者軍法從事

路狹一字行到極處遇警舉號一砲聲立定圖

前哨隊兵
三三左
中軍
右
後

五方旗招先出立表圖



內黑點乃旗行之路也由中而四分至
步盡為門由門平分各左右盡為角

五方旗

立表先約兵幾司外壘若干隊每隊分地一丈自
中軍兩分各得若干步子壁同四方大旗幟立門
表四方高招立內表執旗立表之人聽鳴金邊執
五方旗者先于中軍中心四直各數行步數足立
定爲四正之表各四角表旗與五方旗同出自正
門旗下平行左右步數足立定爲四角之表俟兵
下營畢如有數步未合再爲移置相合也若自角
排起多不得均必自正面當門中左右分去方得
均齊此要法也正中生奇奇中有正莫妙于此

附表凡司哨旗隊照各方旗色依本旗望表蟻附
下營每旗爲一簇每旗橫看連人身留空四丈五
尺俟定吹長聲單擺開喇叭照方營圖撒開依鴛
鴦隊整立每隊橫看連人身留空一丈五尺安拒
馬者安拒馬下蒺藜者下蒺藜

行營圖



到此聽令坐息
中軍 再聽令
列爲疊陣

一 肖 三 旗 一 旗 三 隊 平 行 圖


 一旗下兵若
 千隊每隊平
 去五尺地


 二旗


 三旗


一司五哨行圖

四哨
フ
フ
フ
フ
フ
フ


哨
フ
フ
フ
フ
フ
フ
三哨鳥銃把
總爲中軍
五哨
フ
フ
フ
フ
フ
フ

二哨
フ
フ
フ
フ
フ


列陣圖



中軍



方營圖




金鼓牙校

牙兵

駐親兵

駐親兵



伏兵倭夷之性人自爲戰善於抄出我後及雖大敗隨奔隨伏甚至一二人經過尺木斗壑亦藏之往往墮其計中辛酉之役一月十捷我兵損不及六七人議者謂非兵之巧乃賊之拙此倭不如別倭之有伏也殊不知將前法已曾教熟于平時故如花街之捷戰追十里而保全勝者非賊之無伏我有搜守之法而伏無所用也其法如賊一戰而敗賊遂奔北我兵追上凡遇林木人家過溪轉角之處每量林木屋垣灣曲大小卽留一隊或一哨

守其必出之口而他兵一面徑向前追每遇一處
卽留一處又或村落極大者卽通行圍止聽人進
搜無賊高聲爲號又復進追其麥田茂草之地又
皆可伏之所我兵每一哨內卽留一隊分投下路
星散麥田草中搜打喊叫一面正兵徑追

出戰隨變就於

五五

前

中
後
前

哨在

中
中
中

中
中
中
中
中
中
中
中

管右

中
中
中
中

軍中

中

伏
此
兵
不
動
如
雷
兵
動
如
雷
此
兵
不
動
如
雷
兵
動
如
雷

老營

圖伏設內陣本

伏兵

哨

哨左

卜
卜
營

管左

𠂔𠂔𠂔𠂔
鼓旗
軍

PPV
兵伏
同右
伏兵
九

策應

伏兵既出老營兵急應原却兵即回身向前圖

左伏兵

右伏兵

左翼

正兵

右翼

中軍


必實操
方有出

操伏以木牌上書麥田村屋分別大小等字，恁聽一人以便插于教場，以灰畫爲委委曲曲羊腸路，一道插鼓交鋒，旣勝追賊，照前說依圖分往下路，于所立木牌處搜防，列圖于後。此操于場旣熟，仍出郊野村落地方，隨村落實操，臨時方無差錯。若操于場，不操于野，終未見實境，臨時仍是不合，穀若不先操于場，輒操于野，則人無程式，衆多惑亂，亦不可得如意。

飭伏兵遇賊不起，及起早者，領伏哨隊長通斬各

兵扣工食給恤仍通緝打如正兵見奇兵伏兵已起不卽回應者同例

練設伏兵圖



分練、挨隊分練、自一隊起至三隊畢、合一旗練、自一旗練至三旗畢、合一哨練、自一哨起至三哨畢、合一司練、自一司練畢、合四司練、自合一營練畢、合各營練、雖三人五人十人亦可練、亦用戰法、亦有奇正、卽射法雖五步之內、必持滿而射、故雖三人五人、必用法而操、庶合衆卽熟、且合衆之操、頃刻完事、目力不能遍、不如少操爲親切、大端以奇正論、不過一頭兩翼、中軍爲心、是謂握奇、心運四肢、當敵者爲頭、以迎鋒、尾卽繼後而折、至與頭更

此段是
實法是
至訣是
簡方


番間出不窮兩翼隨之自遠而近迎合于前但
敵處卽爲頭爲正兵但在左右卽爲翼爲奇兵但
在後卽爲尾爲策應兵其金鼓號令雖操五人十
人由一隊以至一營由一營以至十萬皆同其法
調一隊前來立定鑼鳴坐地舉號砲一聲吹長聲
單唎囉各起身執器械聽舉號砲一聲再吹擺隊
伍唎叭立藍紅白大旗三面變三才陣舉號砲一
聲點鼓前行擂鼓吹天鷲聲唎叭吶喊交戰金響
三聲摔鉞鳴收整隊伍立定舉號砲一聲金三聲

面前退回、連鳴二聲、卽向前齊喝一聲、立定、又作賊來狀、舉號砲一聲、又插鼓吹天鷲聲、吶喊飛跑前進、交鋒畢、賊敗、鳴金鼓止、摔鉞鳴整隊、又鳴金退回、如此三次、只退至原調來所立信地、摔鉞鳴、仍收鴛鴦隊、打得勝鼓、回在空地、立定、鳴鑼坐地、休息、又舉號砲一聲、立藍白大旗二面、每鴛鴦隊分爲梅花陣、一伍爲一隊、照圖立操、令如前、操畢、坐息後、又舉號砲一聲、立黃旗一面、爲鴛鴦陣、操法如前、三變俱完、如是又點旗、總旗第二隊照前


習戰畢又點旗總旗第三隊照前習戰畢習戰號令舉動皆同第一隊此是一旗完又聽二旗三旗各輪照一旗之法操畢又回空地鳴鑼坐息如此三旗俱完舉號砲一聲卽聽本總點本哨官方色相同之旗哨官應之將操過三旗官兵齊列坐息再聽舉號砲吹哮囉起立操法俱同一隊例每陣橫去一丈鴛鴦陣擺開又吹單擺開每隊爲三小隊列爲三才陣照圖對敵號令同再以梅花鴛鴦陣分爲二次三次操畢又如此操第二哨第三四

哨方是一司完乃全司操全司操則用鳥銃每隊不拘若干名每哨不拘若干旗每司不拘若干哨大率類此加損任便哲者化之愚者拘之

圖陣鴛鴦



圖伍二爲分隊一




右一隊合稱爲兩儀陣一伍分稱爲五行陣


兩儀陣變



此爲右奇兵、大開抄
敵、以救正兵之不及也、



三才陣圖



此為左奇兵大開抄
敵以救正兵之不及也



兵

鴛鴦陣此乃殺賊必勝屢效者是要緊束伍第一戰法二牌平列狼筈各覆一牌長鎗每二枝各分管一牌一筈短兵防長鎗進老即便殺上如已聞鼓聲而遲疑不進即以軍法斬首筈以用牌鎗以救筈短兵救長鎗得法者如五行之相生不得法者如五行之相尅

營額隊止于三用陣法也旗止于三拘兵數也則四五六皆可通便宜也每營不過五六司每軍不過十營將力只當止此也即十百千萬總是一法

擴充變化之耳不能備載非執此爲定法無復可
增減也